

罪惡忤時宰謫戍遼東予服闋起復赴京會於蕪
 蕪人魏維翰名應亦為刑部郎謫戍還家來予舟
 訪焉因同過肅卿舟坐中魏曰吾郡太守李公君
 之同年也今君遠戍似宜厚贐云云肅卿艷然不
 悅曰魏君烏得有此言吾留此豈有覬邪既別遽
 解纜去李公聞之疾趨挽留一餞不肯止乃遣吏
 持贐追至濟野再三陳太守懇悃意第領之其所
 贐雖箋餌微物皆峻却不受夫肅卿當患難蕪沛
 之時而不苟如此其志節可尚也已寧波府誌有傳此予所目擊者故著之

史典籍保拍家

予先姑夫郎公名暉者狷介峭直殆所謂獨行士也不
 肄文業而好閱史鑑遇忠孝節義欣欣動色擊几
 朗誦遇奸回邪佞則憤惋嘖呻若身被其害者一
 日忽露頂袒臂搥胸遶屋走且罵曰惱殺我惱殺
 我舉家莫知所以移時卧床上氣漸平家姑氏問
 怒何也曰頃讀秦檜殺岳飛事故不禁憤氣填胸
 耳最重然諾或許人物或期約一出諸口必踐不
 爽性不飲酒過親友家將具鷄黍留之輒止之曰
 母頃於某處得飲已飽如有意於某日當復來主
 人以爲託辭屆期果不速自至矣歲時節序十日